

佛會，並發于寶王初議，隨之羅八波。



六、羅八波者謂

「大智度論」集粹之四十九

論信毀般若波羅蜜因

因毀入爲了... 般若波羅蜜... 信毀般若波羅蜜... 般若波羅蜜者，即阿耨多羅三藐三菩提也。若人信毀般若波羅蜜，則斷其菩提種子，墮入阿鼻地獄。此論集粹之四十九，詳述信毀般若波羅蜜之因緣、果報及救度之法。其要旨如下：一、信毀般若波羅蜜之因緣：或因見佛相好而生疑，或因聞法不悟而生謬，或因煩惱障蔽而生瞋，或因惡友誘惑而生邪見。二、信毀般若波羅蜜之果報：墮入阿鼻地獄，受無量劫之苦。三、救度之法：若能發露悔過，修持般若，仍可轉惡爲善，證得菩提。

智 銘

佛語須菩提：「有菩薩摩訶薩，多見諸佛，若無量百千萬億，從諸佛所，行持戒、布施、忍辱、精進、一心、智慧，皆以有所得故。是菩薩聞說深般若波羅蜜時，便從衆中起去，不恭敬深般若波羅蜜，不樂便捨去。何以故？是善男子、善女人等，先世聞深般若波羅蜜時，棄捨去，今世聞深般若波羅蜜，亦棄捨去，身心不和。是人種愚癡因緣業，種是愚癡因緣罪故，聞說深般若波羅蜜毀訾。毀訾般若波羅蜜故，毀訾過去、未來、現在諸佛，一切智、一切種智。是人毀訾三世諸佛一切智故，起破法業，破法業因緣故，無量百千萬億歲墮大地獄中。是破法人輩，從一大地獄至一大地獄。若火劫起時，至他方大地獄中生。……受破法罪業苦。重罪漸薄，或得人身，生生盲人家……所生處無佛、無法、無佛弟子處。何以故？種破法業，積集厚重具足故，受是果報。」

「若有人聽說是甚深般若波羅蜜時，毀訾不信，作是言：『不應學是法，是非法，非善非佛教，諸佛不說是語。』是人自毀訾般若波羅蜜，亦教他人毀訾般若波羅蜜，自壞其身，亦壞他人身；自飲毒殺身，亦飲他人毒；自失其身，亦失他人身；自不知信，毀訾深般若波羅蜜，亦教他人令不信不知。如是人，我不聽聞其名字，何況眼見，何以故？當知是人名爲汚法人，爲墮衰濁黑性。如是人，若有聽其言，信用其語，亦受如是苦。若人破般若波羅蜜，當知是名爲破法人。」

「後世人若聞是破法業積集厚重具足，受大地獄中久久無量苦，聞是久久無量時苦，足爲未來世作明戒。」

從發心來，常行六波羅蜜，常行六波羅蜜故，能得見、能得供養無量無邊阿僧祇佛。是菩薩成就上四因緣故，得無量無邊福德智慧。是福德因緣故，諸煩惱薄，心柔軟，菩薩信慧等諸根利，轉增得力故，深入般若波羅蜜，污厭世間事。若見般若經卷，即時心生如見佛。若披卷尋義，即時心生，如從佛聞。信力、慧

力成就故，隨順解深般若義，所謂一切無相故，出十二入，二法不二法中，心無所著故，名無所得。

諸法入般若波羅蜜中，皆一相、無相，是中無分別聞者、見者及可聞、可見。三界凡夫人作分別：是眼、是色、是耳、是聲；六情是利，六塵是鈍；色等諸法是鈍，慧等是利。諸法入般若波羅蜜中，如百川入海，皆為一味。是故說般若波羅蜜不可見、不可聞，以諸法鈍故。從檀波羅蜜乃至佛道，須陀洹乃至佛，亦如是。

有菩薩初發心，便能習行甚深六波羅蜜。習行者，一心信受常行。方便力故者，雖行六波羅蜜，起福德因緣，而心不著。諸法無所破壞者，是菩薩信力、慧力大故，聞摩訶衍深法，即時信，聞聲聞法亦信，聞外道在家出家法，亦不破壞，而於中出二種利：一者，分別是道、非道，捨非道，行是道。二者、一切法，入般若波羅蜜中，無是無非，無破、無受。不見諸法無利益者，即是上說於中出利者。是福德具足故，終不遠離六波羅蜜，乃至淨佛世界。

有菩薩久發意，供養十萬億諸佛，用有所得行六波羅蜜，不信受是般若波羅蜜。此中佛自說因緣：是人於過去世，聞深般若波羅蜜，不信不受，從座起去；今佛為說，不信不受，破般若波羅蜜罪果報故，說是人不信不受業因緣故，即起愚癡業因緣；得愚癡業因緣故，疑悔惡邪，著心轉增。著心轉增故，於大眾中，毀訾破壞般若波羅蜜。破壞般若波羅蜜故，破三世十方諸佛一切智；破三世十方諸佛一切智罪故，轉身墮大地獄。大地獄者，阿鼻地獄，無量百千萬億阿僧祇歲，受憂愁、苦惱。憂愁是心苦，苦惱是身苦。從一大地獄至一大地獄者，如福德因緣故，上有六欲天；罪業因緣亦如是，下有八種大地獄。八種大地獄，各有十六小地獄，是中阿鼻最大。是三千大千世界中，有百億阿鼻地獄，是故說：從一阿鼻地獄至一阿鼻地獄，展轉受苦。罪轉輕微，

或得人身，生下賤家，所謂生生盲家，不欲見般若波羅蜜罪故。輕賤說法人，放生旃陀羅及除糞、担死人等下賤家。毀訾說法者故無舌，不欲聞故無耳，魔手非撥故無手，此人心雖愛佛，以愚癡無智故，毀滅佛母，破壞法藏。破壞法藏故，生無佛法象處。

毀謗般若者，自失大利，亦令他失。自遠離般若，亦令他遠離，自破壞善根，亦破他善根；自塗邪見毒，亦塗他邪見毒；自失其身，亦失他身；自不知故，著法愛故，自破亦令他破般若波羅蜜。如父母愛子，恩極一世，又以因緣故愛。是行般若波羅蜜菩薩，於無邊世界中，深心愛念象生，父母念子，無能以一眼與者，行般若波羅蜜者，於無邊劫中，以頭目、腦髓，積過須彌山，以施象生、出佛身血，殺阿羅漢，但壞肉身，不壞法身；壞僧是離眷屬，讚五法不壞般若，是故五逆罪，不得似壞般若波羅蜜。般若波羅蜜，能令人作佛，毀般若罪則無喻。是故破般若人，不欲聞其名字，何況眼見！是破般若人，或先世福德因緣，廣學多聞，富貴威德，巧於談話，諸魔眷屬，常隨逐佑助故。

是人壞一切佛法寶故，雖身口業善，持戒、布施、讀經，善法終不增長，如濁水泥，不見面像，亦不中飲。是人不中親近，若親近者，則喜染著。是人破法故，邪見疑悔常擾亂心。先所聞法，深染愛著，不解般若波羅蜜相，故言般若波羅蜜無所有，空不堅固，無有罪福。如是濁亂蔽其心故，不能得見清淨法寶相，黑性者，佛法中善法名曰白，不善名黑。是人常積集不善法，故成不善性。若有信受其語，其罪亦同。若有善根白性福德人，足作依止，白性者，與黑性相違，依止者，聞是受苦，更不敢作。故佛言：「後世人若聞是破法業積集厚重具足，受大地獄中久無量苦，聞是久久無量時苦，足為未來世作明戒。」善男子、善女人，寧失身命，終不破法。